


杜工部草堂詩箋

八



箋詩堂草部工杜

(八)

次編書魯
箋會弼夢蔡

杜工部草堂詩箋卷第二十一

廣德二年自梓再往閬中

登樓

此聞代宗車駕還長安而作

花近高樓傷客心萬方多難此登臨錦江春色來天

地

一作春水此天地言錦江春色鮮妍自天地開闢以來有之非獨今也玄中記天下之大者水焉浮天載地

玉壘浮

雲變古今

蜀有玉壘銅梁二山縱使玉壘爲古今英雄割據百千萬變如浮雲終亦歸中原之總統也左太冲賦夫蜀都

關雲開以爲門包玉壘以爲宇地志玉壘山前水出焉在成都西北夢弼謂此聯調吐蕃寇成都然不能爲朝廷之害也故有下句

極朝廷終不改西山寇盜莫相侵

此聯又謂今朝廷如北極之尊終不改移爾西

山吐蕃之寇無用相侵也或謂崔旰反成都起兵於西山非是可憐後主還祠朝日暮聊爲

梁甫吟

昔諸葛亮佐先主圖收復功未就而亮卒又後主即位祠祭亮廟嘆無人以爲之助亮未達時常耕于隴西作梁甫

吟故甫因吐蕃之亂傷朝廷先諸葛之才也。盛言又引資治通鑑廣德元年十二月丁亥車駕發陝州左丞顏真卿請先謁陵廟然後

還宮元載不從真卿怒曰朝廷事豈堪相公用壞邪梁甫吟末句罪晏子公意在元載乎今併錄之

遣憤

聞道花門將

謂回紇也

論功未盡歸自從收帝里

謂長安也

誰復

總戎機

戎一作兵木蘭詩方里赴戎機

蜂蠆終懷毒

左氏傳君无謂邪小蜂蠆有毒况國乎

雷

霆可震威

或謂寶曆間回紇請助國討賊廣德二年僕固懷恩以吐蕃回紇入寇永泰元年又以吐蕃回紇兇頃入醴泉

郭子儀說回紇使擊吐蕃此詩當謂是邪夢弼謂時祿山亂回紇以兵助帝討史朝義恐其恃功驕暴難制故欲帝早加以威震之无使

彼再效祿山之陷京闕也賈山傳人主之威非特雷霆也震之以威豈有不摧折者乎

莫令鞭血地再濕

漢臣衣

漢書禁暴非刑人鞭血之地鞭血地乃指禁中也春秋傳鞭之見血任助書鞭血四海流離无所

釋悶

廣德元年吐蕃復陷京師二年春已聞車駕復還長安而作也

四海十年不解兵

時廣德二年也推而上之至天寶十四載九十年矣

犬羊也復臨

威京

咸謂咸陽即西京也言祿山連結吐蕃復陷京師也

失道非關出襄野

喻代宗辭亂出奔迷

道也莊子徐无鬼篇黃帝將見大隗乎具茨之山方明為御昌寓騶乘張若謂朋前馬昆閭滑稽後車至於襄城之野七聖皆迷无所問

塗適遇牧馬童子問塗焉

揭鞭忽是過湖城

言代宗幸陝所經之地也世說晉王敦率兵內向明帝騎巴童

馬齋一金鞭至湖陰察軍形書夢日使其城忽然驚覓曰營中有黃鬚鮮卑奴未何不縛取命騎追之不及矣金陵地名有湖陰按前漢志京西有湖縣故曰湖武帝建元元年更名黃帝鼎湖所在

豺狼塞路人斷絕

言盜賊充塞

往來無人也

烽

火照夜屍縱橫

烽燧傳報殺戮之多也烽燧廣雅曰飛零龍也光武紀修烽燧注引前書音義曰力方備警急

作高土臺臺上作桔臯桔臯頭有杙零以薪草置其中常低之有燭即燃火率之以相告曰烽又多積薪冠至即燔之望其煙曰燧燧夜則率烽唐六典唐鎮戍烽燧所至大率相去三十里其邊者築城以置之其故煙有一炬二炬三炬四炬者每日初夜率一炬謂之平

天子亦應厭奔走

車駕雖歸長安而當時亦有乞鑾安火也洛巡狩之說故云厭奔走也

羣

公固合思升平但恐誅求不改轍

譏聚斂之重也

聞道壁孽能

全生

能一作今壁孽程元振也時元振用事致令吐蕃入寇公詩謂未聞元振之死蓋罪代宗不能正典刑以戮之按代宗幸陝削

奪元振官爵放歸田里私入京師圖不軌事長流濠州

江邊老翁錯料事眼暗不見風

塵清

老翁甫自謂也傷于戈未寧也

青絲

青絲白馬誰家子

疑指南山群盜也及之資公通鑑唐德二年吐蕃入長安也諸軍亡卒及御曲無賴子弟

相聚爲盜吐蕃旣去猶竄伏南山子午等五合所在爲患丁巳以太子賓客薛景仙爲南山五合防禦使以討之是也按南史侯景傳先是大同中童謡歌曰青絲白馬壽陽來景過陽之敗求錦朝廷所給青布及是皆用爲袍尚青景乘白馬青絲爲轡欲以應讖

豪且逐風塵起

或謂祿山之反不逞之徒皆乘此爲亂說者又謂宜懷恩之反有從亂者乎風塵喻亂離也

不聞漢王放妃嬪

託漢以言唐肅宗誅楊貴妃斥宮人也按乾元元年出宮女三千人近靜潼

關掃蜂蟻

此公戒約麤豪子之辭也謂哥舒翰守潼關爲賊所破遂陷兩京肅宗鳩義兵收復兩京如掃蜂蟻也

殿前兵馬破汝時十月卽爲齏粉期

此告之以必破亡之證也然殿前兵馬乃

神策軍天子親征群盜空風而敗恐碎若

未如面縛歸金闕

作知左傳詩

萬一皇恩下玉墀

此又教之以未如前期悔過皆縛歸降京師矣幾皇恩尚有赦

宥之理也時賊黨來降者帝復授以節鎮河北之患自此而起終唐之世藩鎮跋扈者皆由此始也

江亭王閬州筵餞蕭遂州

一作閬州王使君江亭餞蕭遂州

離亭非舊國春色是他鄉老畏歌聲斷

一作愁從舞袖

長二天開寵餞

開一作悲二天美王閬州蕭遂州能相容谷庇也後漢刺史蘇章字孺文仕冀州刺史故人爲清

河太守章行部按其姦姦乃請太守爲主酒穀陳五馬爛光輝
平生之好甚歡太守喜曰人皆有二天我獨有一天
東方朔外傳郡守四馬駕車一馬行春餘見前注
川路風煙接蜀道關上接接壤也陰鑑
千里潮風煙望似俱宜下鳳凰此美二公爲郡之治効也賈誼弔
接川路恨成遙
而下之黃霸傳霸爲潁川太守是時鳳凰神爵數集郡國或謂昔肅
史王子喬皆神仙人也肅與秦女乘鳳而去喬亦乘白鶴而飛此皆
美二公之不凡也

滕王亭子

亭在玉臺觀內滕王高宗調露中任閬州刺史一作閬州玉臺觀滕王亭子作滕王曾典

此州按滕王元嬰乃高祖之子也閬州有亭洪州有閣又有碧落碑也

君王臺榭枕巴山

枕之任切粵自漢魏以來有封國者得臣其吏民故稱君王也亦雅釋宮四方而高曰臺

無室

萬丈丹梯尚可攀

言其亭之高也謝玄暉敬亭詩要欲追奇趣即此凌丹梯

春日

鸛啼脩竹裏仙家犬吠白雲間

葛洪神仙傳淮南王丹成上昇雞犬其其亦同仙

去故雞鳴天上犬吠雲間也劉向列仙傳邢子者蜀人好放犬犬走入山穴邢子隨八十餘宿行度數百里有宮殿官府青松森然仙吏侍衛甚嚴得符藥而歸成都述異記洛陽山有麻姑仙俗說山上則有金雞鳴玉犬吠
清江碧石傷心麗

碧一作錦

嫩蕊濃花滿目班

此聯成乎物而傷其人之亡也

人至于今歌出牧

來遊此地不知還

玉臺觀

觀諦視也觀在高處其中有臺號玉臺乃滕王與閻州所造也

中天積翠玉臺遙

列子周穆王築臺號中天之臺顏延年應詔詩神行將浮景交映溢中天攢素既森竊積

翠亦莢羊

上帝高居絳節朝

以臺之高而在道觀故直指為上帝之高居而群仙絳節之所朝也

遂

有馮夷來擊鼓

山海經中極之淵深三百仞唯冰夷都焉冰夷人面而乘龍周穆天子傳天子西征至于陽紆

之山河伯無夷之所都焉冰夷无夷即冰夷也淮南子又作馮遲抱朴子釋鬼為夷以八月上庚日渡河溺死天帝署為河伯清冷傳

馮夷弘農華陰僊鄉限首人也服八石得水仙是為河伯龍象河伯何伯姓呂名公子馮夷即河伯也夫人張華博物志昔夏禹觀河見

長人魚身出曰吾河精豈河伯也馮夷得道成仙化始知羸女善為河伯道豈同哉曹植洛神賦馮夷鳴鼓女媧清歌

吹簫

秦本紀大費佐舜是為伯翳賜姓嬴氏劉向列仙傳蕭史者秦穆公女弄玉之夫教弄玉吹簫作鳳凰鳴數年吹似鳳凰

聲鳳凰來止其屋公為作鳳凰臺夫妻止其上

江光隱見鼉鼉窟石勢參

差烏鵲橋

淮南子烏鵲填河成橋以渡織女

更肯紅顏生羽翼謂飛仙也便應

黃髮老漁樵

滕王亭子

寂寞春山路君王不復行古墻猶竹色虛閣自松聲

石林燕夢得曰此聯若不用猶自兩字則其餘八字凡亭子皆可用不必勝王也此皆公妙至到人力不可及也鳥雀荒

村暮雲霞過客情尚思歌吹入吹尺千騎把霓旌梁孝王傳得賜

天子旌旗千乘萬騎

玉臺觀

浩劫因王造浩劫謂無窮不朽之功也玉臺浩劫之觀乃滕王於高宗不調露中爲淇州刺史日所造也度人經云惟昔

元始浩劫之家按集有道林二寺詩云塔劫宮墻壯麗敵又李益詩浩劫碎雲衛是也或曰塔之一級二級爲一劫二劫平臺

訪古遊室爲樓道自宮運屬於平臺三十餘里絲雲蕭史

駐以比蕭史之鳳臺也江文通雜體詩猶文字魯宮留以魯共王比滕

王也以詩意推之滕王必有文書遺迹在焉昔魯共王餘好治宮室壞孔子舊宅於壁中得古文經傳宮闕通羣

帝

言臺觀之高可以上通天帝也度人經有三十三天三十三帝山海經大荒之中有黃木赤枝群帝取藥呂氏春秋伊尹曰常

山之北較淵之上乾坤到十洲

以臺臺在道觀中於天地之間由此有界焉羣帝取食乾坤到十洲可以到神仙十洲也按東方朔十

洲記漢武帝既見西王母言說八方巨海之中祖洲瀛洲元洲炎洲長洲充洲鳳麟洲聚屋洲流洲生洲十洲始知方朔非世俗人是以

延之曲空問十洲所在所有之物名焉又見王子年仙傳拾遺人傳有望鶴時過北山頭

列仙傳王子喬者子晉也好吹笙作鳳鳴遊伊雒之間聞道人浮亡公接以上嵩高山三十餘年後求之於山上見桓良曰告我家七月七

日待我於緱氏山頭至時果乘白鶴駐山頂望之不得到幸手謝時人數日而去

渡江

春江不可渡二月已風濤

顏延年詩春江壯風濤

舟楫欹斜疾

疾一作甚

魚龍偃卧高渚花張素錦汀草亂青袍

古詩穆之清風至吹我羅衣裾

青袍似春草脩雲從風舒

戲問垂綸客悠悠見汝曹

見一作是

絕句二首

遲日江山麗春風花草香
泥融飛燕子沙暖睡鴛鴦

江碧鳥逾白山青花欲燃

北齊陽松玠談數沈隱侯詩
野棠開未落山櫻花欲燃

全

春看又過何日是歸年

送韋郎司直歸成都

竄身來蜀地

甫以避難奔走入蜀故云竄身劉公幹
贈五官詩余因沉痾疾竄身清漳濱

同病得

韋郎

韋亦避難者故言同病吳越春秋子胥曰
子不聞河上歌乎同病相憐同憂相救

天下干戈滿

江邊歲月長別筵花欲暮春日鬢俱蒼

一作春鬢
色俱蒼 爲

問南溪竹

竹一作筍南溪即
浣花溪之南也

抽梢合過牆公自注余草堂在
成都西郭浣花里

奉待嚴大夫

殊方又喜故人來

殊方謂劍南故
人指嚴武也

重鎮還須濟世才

重直
龍切

廣韻厚也按唐書武升黃門侍郎與元
載厚相結求宰相不遂復節度劍南

常怪偏裨終日待

謂諸
將校

不知旌節隔年迴

旌節謂導引
之麾幢也

欲辭巴徼啼鶯合

啼鶯合謂
春正懷也

遠下荆門去鷁催

去鷁催謂督行船也鷁水鳥也今
貴人船前畫作青雀以驚水怪是

也方言曰嶺者謂之閣間注云今江東船頭屋謂之飛閣甫與武有世勢大武爲成都尹甫依之及武入朝甫之巴峽今甫聞武再鎮蜀故欲辟蜀之巴峽下楚之荆門以迎武也

身老時危思會面古詩道路阻且長面會安可知一生

襟抱向誰開

襟一作懷言無知己者也

奉待高常侍

一作寄一作寄高三十五大夫。高適代崔光遠爲西川節度使以亡松維

保三州及雪山新築二城召還爲刑部侍郎左散騎常侍

汶上相逢年頗多

汶水在鄆州中都縣甫與適相別於汶上已多年矣地理志汶水出泰山來燕西南入濟

在濟南魯北蜀亦有汶川出西山有汶水縣子按魯之汶川也飛騰無

那故人何

那乃个切故入謂適也初甫與適皆拜拾遺其後適官至散騎常侍則其飛英聲騰茂矣甫無以及之也

揔戎楚蜀應全未

揔戎乃大將之權適先除揚州大都督淮南節度使廣德二年乃召還以李輔國之毀出焉

於楚蜀二州刺史蓋言雖揔戎於楚蜀而年猶未老也

方駕曹劉不啻過

謂齊驅也論其駕或作價方駕

文章蓋過於曹植劉楨遠矣

今日朝廷須汲黯

汲黯傳數以直諫上怒黯曰天

子置公卿輔弼之臣宜今從諛承意陷主於不義乎且已在其位縱愛身奈辱朝廷何

中原將帥憶廉頗

言適之為將其賢有如廉頗也馮唐傳文帝輩過郎署問唐曰吾尚
食監高祛數為我言趙將李牧之賢戰於鉅鹿下吾每飲食未嘗不
在鉅鹿也父老知之乎唐對曰牧尚不如廉頗之為將也
上聞之拊髀曰嗟乎吾得廉頗李牧之為將豈憂匈奴哉
色催遲暮別淚遙添錦水波時適在成都起發赴召去甫相別也天涯春

奉寄章十侍御時初罷梓州刺史東川留後

將赴朝廷

一作寄梓州張使君

淮海維揚一俊人

章彝乃揚州人也書禹貢淮海維揚州鶚冠子德万人者謂之俊

金章紫綬

照青春

青春美章彝之少年也前漢百官公卿表相國太尉皆秦官金印紫綬顏師古音義引漢儀云銀印比青龜紐其文曰

章謂刻曰其官之章也右漢

指麾能事迴天地

時段子璋反東川章彝指麾討

平之美其破敵之勢力能事

訓練強兵動鬼神

美其治軍之威嚴雖鬼神之幽

雖天地之大亦可以挽回也

亦可以

湘西不得歸關羽

關羽字雲長言羽在湘西而不得歸

蜀先主收江南諸郡以羽為襄陽太守盪寇

河內猶宜借寇恂

將軍駐江北先主西幸益州拜羽董荊州事
美章彝之善守東川如寇恂之不得去河內也恂字子翼光武收河
內拜恂為太守移潁川盜賊群起車駕南征恂從至潁川盜賊悉降

而竟不拜郡百姓遮道曰欲從陛下復借寇君一年乃留恂

朝覲從容問幽側

宋書恩幸傳論曰明揚幽

側唯才

是與勿云江漢有垂綸

甫自言也

春遠

蕭蕭花絮晚

菲菲紅素輕

兩句通義紅言花也素言絮也

日長唯鳥雀

春遠獨柴荆

言无往來之人故獨柴荆而已

數有關中亂

數色角切頻也

何曾劒

外清故鄉歸不得

鄉一作閑

地入亞夫營

此指言長安屯兵乃公之故鄉而為軍營矣借

周亞夫軍細柳以備胡云文帝自勞軍至其營長揖不拜營在昆明池南今有柳市是也

春寒

霧隱平郊樹

外雅釋地邑外謂之郊

風含廣岸波沉沉春色靜

慘暮雲多戍鼓猶長擊

言吐蕃之亂至今春尚防戍也

林鷺遂不敵忽

思高宴會

古詩今日良宴會

朱袖拂雲和

謂樂舞也周禮春官大司樂奏雲和之琴瑟於園丘

注云和地名以其產良材而中為琴瑟也

雙鸞

旅食驚雙鸞

一作双飛鸞

啣泥入北堂

古詩思為双飛鸞啣泥巢君堂

應同避

燥濕

左氏襄十七年傳子罕曰吾脩小人皆有闔廬以避燥濕風雨

且復過炎涼養子風塵

際來時道路長

梁吳筠詩問余未何遲山川幾紆直

今秋天地在吾亦離

殊方

離力智功此甫託物以見已意也言當救而身於天地之間存在亦如燕舍此而去也

百舌

百舌來何處重重祇報春

百舌禽名江東人謂之信鳥逢春而鳴易緯通卦驗百舌者反舌也能

反覆其舌隨百鳥之音朝野發載百舌春轉夏止唯食此蜩

正月凍開蛻出而來十月蛻藏而往月令仲春反舌无声

知音

兼衆語整翮豈多身花密藏難見

梁蕭子暉反舌賦春霖霏霏而花密

枝高

聽轉新過時如發口君側有讒人

周書時訓曰三種之日蟬蟪生又五日鵙始鳴又五

日反舌无声是謂陰息反舌有声倭人在側

喜雨

春旱天地昏

春旱一作早春
謂煙塵四起也

日色赤如血

謂旱之甚也昔晉
惠帝光熙元年五

月壬辰是日日光四散
赤如血甲午又如之

農事都已休

已一作未兵戈况騷屑

騷屑不安貌時

求王莽在漢中且越之
間盜賊因乏而起也

巴人困軍須

謂古於觀戰也寰宇記閬中
春秋之巴國也有渝水焉

慟哭厚土熱

謂怨氣上感農
月為之大旱也

滄江夜來雨真宰罪一雪

謂洗

雪也穀根少蘇息沴氣終不滅
謬之妖氣也

何由見登歲

國語晉
无寧歲

解我憂思結崢嶸

群蠻

羣山雲作東交會未斷絕安

得鞭雷公滂沱洗吳越

甫自注時聞浙右多盜賊也按甫意
欲鞭驅雷車滂沱而雨一洗吳越之

亂且越乎則人獲安居
天時自得何憂旱乾哉

送梓州李使君之任

故陳拾遺射洪
人也篇末有云

籍甚黃丞相

以黃霸美李使君也前漢陸賈游漢
庭名聲籍甚孟康注曰籍甚盛也

能名自穎

川

黃霸傳霸字次公宣帝詔曰制詔御史其以賢良高第揚州刺史
為穎川太守霸外寬內明得吏民心戶口歲增治為天下第一石

為丞相古鴈門太守行臨部居職
不敢行私治有能名遠近所聞

近看除刺史還喜得吾賢

馬何時到

東方朔外傳郡守駟馬駕車一馬行春餘見前注

雙魚會早傳

喝李使君幾時可以

到任早寄書達甫也古梁府客從遠方來遺我雙鯉魚呼兒烹鯉魚中有尺素書

老思筇竹杖冬要錦

衾眠

甫從李使君求此二物也筇竹錦衾二物皆蜀之土宜故甫及之

不作臨歧恨唯聽舉

最先

聽讀平声京房傳化行縣中冬最當

火雲揮汗日山驛醒心泉

醒蘇挺切

遇害陳公殞

唐拾遺陳子昂嘗為縣令段簡收繫憂煩死獄中

于今蜀道憐君行

射洪縣

射洪唐劍南道梓州

為我一潸然

潸師蒺切涕流貌

天邊行

天邊老人歸未得日暮東臨大江哭

甫客居天邊遭兵馬之亂歸鄉不得

益不悲傷乎

隴右河源不種田

通鑑廣德元年吐蕃陷隴右而河源田畝廢而不耕矣唐隴右道者禹貢

雍州之域

自隴而西尺其地也雍州自岐隴已北為隴內道自隴西南并得禹貢梁州之地垂為隴右道

胡騎羌兵入

巴蜀

是年十二月吐蕃又陷松維保三州高適不能救於是劍南西山諸州亦入於吐蕃矣三巴記閬泉東南流曲折三廻如

巴字巴水國后為洪濤滔天風拔木

喻天下兵革不寧民罹墊溺之患也

前飛